



辜負

【一】

「阮阿爸欲予人銃殺 --ah。」Maryang 過欲 10 分鐘 tsiah tuì Line 傳 tsit 句話 -- 過 - 來。

Tsit 擺換我毋知欲按怎回 -- 伊，我看手機仔頂懸 ê 時間直直行，想 -- 一 - 下，閣考慮 -- 一 - 下，隨閣 10 分鐘欲過 --ah，毋過我猶原毋知欲講啥，總 -- 是無回袂用 -- 得，用 Line 煞「有讀無回」是上顧人怨 --ê，別人我無要緊，Maryang 是我 sannh 足久 ê 查某因仔 neh，我是頭殼 tsuī 落來 (kheh) 嘛愛 tsik 一句話來應 -- 伊 -ê。

「Thài-thó 會按呢生？」

我知 tsit 句回著 ná 像蓋無誠意，尤其是 10 分鐘後，tsit 句閣較夭壽無誠意，總 -- 是，若恰原底我想欲回 ê 彼句：「恁老爸是烏道 nih？」Tsit 句就加真妥當，kám 毋是？

「阮阿爸伊是冤枉 --ê !!!」

看伊應 tsit 句，我才確定講，in 老爸是內籬仔底 ê 死犯……

自來，都毋捌聽 Maryang 講著 in 兜抑是 in 老爸 ê 代誌，是今仔日中晝上課，欲對阮所 -- 出 - 去，半路 siam 見伊坐佇巷路邊 ê 椅條仔頂，頭犁犁，手佇面 -- 裡 huê-- 咧 huê-- 咧，本底毋敢倚 -- 過，驚講歹勢，毋過樓梯落一半，袂過心，翻頭去揣 -- 伊。才佇伊邊 --á 坐 -- 落 - 來爾爾，一句講都未曾話，伊目屎煞親像被鍊斷線按呢一粒一粒跋落塗跋。足想欲 kā 攬倚 -- 來，毋過咱都毋是伊 ê 啥物人，嘛只好恬恬仔 tuì 措仔搵紙巾仔予 -- 伊。Kin-siok……kin-siok 今仔日，閣是愛去「拜訪」爸毋 ê 時間，啊我有影就無足想欲去……

若講著阮老爸老母 honnh……自 in 離緣了後，我就變做兩個厝愛轉，一爿是阿爸佻伊閣娶 ê 某，一爿是阿母。實在講，in 兩個 ê 代誌，我無啥了解，嘛無啥愛插，in 佻我國小五年 hit 冬離婚了後，法律上我是綴阮老爸，毋過實際上，我是搬來徙去，兩爿照輪咧蹓，明明是少年人，結果煞親像老孤單，予人踢過來、抹過去，貓徙岫七八冬，大學 ê 時，我總算家已搬出去蹓，自 hin 了後，我兩爿攏無啥愛「轉」-- 去。

甲 (kah) 若按呢，就佻 tsia 陪 Maryang 坐 -- 一 - 時 - 仔，坐罔坐，坐半點鐘久，伊攏無話無句，落尾，嘛只好陪伊去坐車。

若講著 Line honnh，tsit 个「有讀毋回」ê 罪名實在 hǒng 擔袂起，明明毋知欲按怎應，煞會驚著擔 tsit 个罪。

姑不而將閣出彼句：「Thài-thó 會按呢生？」

Aih-iah！我抑「送出」hit 个箭頭 ê 時目睷放瞞閣抑 phīng 大力 --ê，感覺足見笑！斟酌 tsiah 久，tsit 句無好，hit 句 uan-nā 無好，啊無是佻一句會合軀 hannh？Aih-iah 我毋知 -- 啦！

就是這款躊躇東躊躇西 ê 性癖咧惱 -- 人！這號死個性 honnh，干焦發性地 ê 時會暫時消風！可惜我就毋是現今當時行 ê 「憤怒青年」，若是，我就袂逐不時 tsiah suan-ngiāu--ah。

【二】

Hana 委員咧欲予「佻死聯盟」佻「廢死聯盟」ê 人煩 -- 死 -ah，這兩陣人逐工照三頓來咧問，愛伊著參加 in ê 連署，佻立法院佻 in ê 案，毋但按呢，閣鼓吹 in 隨个團體 ê 支持者敲電話來用 hánn--ê，舞甲尾 --á Hana 只好手機仔關機，結果 tsit 聲電話規个攏溢對伊 ê 辦公室，伊逐个助理是接甲頭眩目暗、講甲喉焦舌渴，個個擡甲無力。

「In 娘 -- 咧，逐个敲 -- 入 - 來都講頂擺有 kā 票頓予 Hana，繼 -- 落 - 來就講愛按怎拄按怎，無，後擺無欲閣選 -- 伊，tann 是有影無影按呢……」一个查埔助理電話拄放 -- 落 - 來。

「《刑法》修正案後禮拜就欲投票 --ah 毋，也莫怪 in 攏袂輸痛 --ê 按呢動員咧 giú 票，聽講毋但咱 tsia 按呢，逐个委員攏嘛頭 mooh 咧燒……兩片目今平平冊五 tshián，tann 逐家攏咧看勢面，看著按怎做才袂得失選民……」一个查某助理 sau 聲 sau 聲 kā 應。

「頭家嘛咧問啊，伊講咱袂使干焦接電話，著愛緊想辦法敲 tsit 个結，tsit 款情形 honnh，待佗一片都會傷 -- 著 neh。伊閣講，伊若選無牢，咱嘛愛去數 (siàu) 街路石 -- ah。」

「辦法……毋是無 -- 啦。」查某助理雄雄按呢應。

「你有辦法？」

「就……拄才有一个查某因仔敲電話 -- 入 - 來，真奇 neh，伊毋是敲來逼咱著倚佗一片 --ê，閣講伊有辦法拍破 tsit 个局面……我聽了嘛好玄，就予伊講……」

Tsit 个人毋是別人，就是想欲救老爸想甲欲起痛 ê Maryang，人看 tsit 个表決是理念對 tu，毋過在佇伊，煞是 in 老爸會活袂死 ê 關鍵，伊 ê 個性，是無容允伊目睷金金坐佇厝 -- 裡等結果 --ê，自按呢，伊想出計智：自本逐家看「檢討死刑 ê 正當性恰必要性」是孤一項代誌，兩款意識形態對敵 ná 像是無法 thang 敲，毋過，若另外捐一項來鬥，兩項做伙想，kā 掠中和、取中範，he 就真無全 --ah。

「啊 hit 个查某因仔是有啥物辦法？」

查某助理看伊有興趣欲聽，就繼接講 -- 落 - 去：「Tsit 站仔拏起廢止死刑，閣有一个法案嘛恰死有底代，你有印象 -- 無？」

查埔助理頭敲敲，sīm 一睷：「你 kám 是指欲廢止刑法 275 條“加工自殺罪”，thang 立“安樂死特別法” tsit 件？」

「巧！」查某助理喙笑目笑 kā 話接 --lueh，「一片是欲予死毋予死咧 pinn-puih，一片是咧爭取有人助贊伊好死，tsit 兩片若 kā 鬥 -- 起 - 來，kám 無真 kah-phah？」

就是佇社會上為著廢死咧戰甲紅頭赤髻 ê 全 tsit 个時陣，另外一个號做「由在人死啊」(euthanasia)ê「安樂死」風潮嘛咧夯風起湧，歐洲真濟國家攏立法允准「加工自殺」，欲由在人死，tng-tong 規陣立法委員咧予支持死刑恰廢止死刑 ê 兩片選票壓力

逼甲強強欲起瘡，tsit 个 Maryang 為著老爸想空想縫，煞予伊想著會當結合 tsit 兩個議題，予老爸一條確定 ê 活路，全時，嘛予 tsia-ê 立委有 thang 抹壁雙面光；自本 tsit 陣立法委員是「過 -- 來毋中翁意，過 -- 去毋中困意」，佇 hia 沐沐泗 --ê，苦袂得有法度 thang 解決，tann 若 sa 著 tsit 枝浮水柴，定著會 mooh 甲牢牢牢，按呢，老爸就有救 --ah，毋免吊佇 hia 咧看佗一爿擗手擗較濟。

有影都著，一睷仔 niâ，《死刑執行特別條例》草案就排入議程，三讀通過，公佈實施。

《死刑執行特別條例》通過 ê 時，Maryang 是歡喜甲袂顧 -- 得，老爸做死犯幾若冬 --ah，離銃空干焦差法務部長簽 hit 張執行令，毋才法案拄過，Maryang 隨去花店注文一盆送去 Hana ê 辦公室 kā 說多謝，多謝 in 肯接納伊 ê 建議，出來 tshuā 頭 tsông tsit 个案，講 -- 起 - 來，Hana 佻伊 ê 同事，顛倒較感謝 Maryang 嘛無的確。

假使講「政治是 tshui-tshiâu ê 藝術」，按呢 tsit 个法案就會用得講是上蓋 pài-tsí ê 一个例，tsit 聲死刑會使講廢止 --ah，因為死犯有機會免死，全時，死刑並無真正廢止，因為「thâi 人賠命」ê 原則原在，干焦精差佇 tsit 个出命來賠 --ê，會當是「本來就想欲死」ê 人。

啥人料想會到，tse 代誌尾 --á，煞予 Maryang 佻 in 男朋友冤家 niû-tsè，鬧甲不得開交 (put tit khai-kau)。

【 三 】

Maryang 相信 in 老爸是受著枉屈，雖然伊愛咻愛佻人四界 tshit-thô，有時仔嘛會惹寡事端，毋過自來攏是 hit 號無大礙 --ê，若親像 thâi 人 tsit 款代誌，Maryang 相信 in 老爸是無可能去做 --ê。

He 是足濟冬前 ê 代誌 --ah，in 老爸 ê 一个朋友敲電話來厝 -- 裡，招伊出去開講，ah 知 hit 个朋友前一站仔才去 siap 人損錢，錢提過手，逐家才發現予掠 -- 去彼个查某因仔早就 khit sng-- 死沉落去中港大排。Tsit 个案件轟動烏白兩道，驚動整個社會，tsit 个歹徒走路走甲上尾 --á，是中央協調出動幾若百个警察 tshih 倚去欲 sa-- 伊，伊煞走入去人家厝，閣掠人規家伙仔做人質，舞甲翻天覆地，連 SNG 都來咧連線報導。

雖罔代誌落尾是有圓滿，tsit 个走犯 hǒng khok-- 起 - 來 -ah，哪會知警察過無幾工煞來佇 Maryang in 兜講有代誌叫 in 老爸著去警察局講，in 老爸自按呢無閣轉 -- 來。

「阮爸講伊是予賊頭刑 --ê，就是刑甲伊咧欲 tsih-tsài 袂牢 ê 時，一个賊頭 kā 講，愛伊緊食認，閣講，橫直伊毋是主犯，極加判三五冬仔，就會用得出 -- 來 -ah，」Maryang 後 -- 來有 kā 我講 tsia-ê 代誌，「阮阿爸伊袂堪得閣予刑 -- 落 - 去，雖然伊明明恰 tsit 个案無底代，嘛是為著予代誌緊收煞，自按呢認口供，啥人知影……啥人知影煞予法官判死！」

自 tsit 件代誌了後，Maryang 上 gīn-siâu--ê 就是賊頭，伊後 -- 來捌 kā 我講，伊足想欲去 kā hia-ê 賊頭 tsiâu thài-thài-- 死，而且，伊嘛足積極投入社會運動，閣特別關心「廢止死刑」ê 推展。

總 -- 是，佇 tsit 擺伊和 in 槌仔冤家進前，毋捌佇同學中間提起 in 老爸 ê 代誌。

Tse 也莫怪 -- 啦，就親像我嘛無想欲講著阮 pâ 阮母 --á 仝款。

阮爸仔母離緣無佻久，阮阿爸就閣娶 --ah，雖然講我嘛定定去伊 hia 蹠，伊對我是袂 bái，學費恰所費嘛攏伊咧出，就是毋知啥因端，我恰伊之間 ná 親像有一堵牆，欲按怎講 -- 咧，我便若注神看 -- 伊，攏會注意著伊 ê 眼神閃爍，袂輸咧掩崁啥物，若加看 -- 一 - 時 - 仔，伊頭就會越對邊 --á，親像咧走閃啥貨，kám 會是伊感覺對不起我恰阮老母？我毋知，嘛毋敢加問……

久 -- 來，我煞會懷阮阿爸，雖然我讀高中了後，伊就毋捌閣大聲罵 -- 我，毋過 hit 種爸仔困中間 ê 溫暖，毋知是按怎嘛綴 in ê 婚姻做伙行入墓仔 --ah。

是講，in ê 代誌，是按怎會牽拖對我 tsia 來 -- 咧？Kám 講，in 會離婚著愛責罪 -- 我？lah 是我 ê 存在，是咧提醒伊 hit 段失敗 ê 婚姻？

就是 hit 个懷疑逐不時佇我心內 tak-tīnn，佇我去蹠阮爸 hia ê 時咧 tak-tīnn，踮阮母 --á hia ê 時嘛咧 tak-tīnn，轉來學察，猶原佇心內 tak-tīnn，我煞開始沓沓仔懷疑家已有影有問題，tshím 是話拄出喙會雄雄想欲用喙舌 kā 勾倒轉 -- 來，啥物代誌拄欲起手煞會跤擋手擋想欲翻頭考慮，三思閣三思，自按呢話愈來愈少，pah-tat 較濟過行動……結果無 tsám 無 tsueh，是予我閣加一个討厭家己 ê 理由爾爾。

【四】

轉來講 Maryang 是按怎會恰 in 槌仔冤家，就是好死毋死 in hit 箍 Pahalimux 去 hǒng 拈鬮 (liâm khau) 拈 -- 著，做 in 老爸 tsit 个案 ê 「替刑者審查委員會」 ê 委員。

「替刑者審查委員會」是根據《死刑執行特別條例》建置 ê 特殊機關，伊 ê 委員是學美國陪審團制度，對公民內底揀 -- 出 - 來 - ê，精差佇為著平正，無 thang 予律師恰當事人 tshiâu-tshik，拈起特殊 ê 起致，可比講，恰受審查者有利益衝突、有親情關係等等，會當申請迴避，掠外，hǒng 抽 -- 著 ê 國民，攏有義務愛擔任 tsit 个職務，負責審查、決定申請「安樂死」 ê 受審者，kám 會使做「水龜」，替法務部簽執行令 -- 落 - 來 ê 死犯受刑。

Maryang 初初聽著 Pahalimux 著籤，心內 tshiak 一下，tsit 个 Pahalimux 平素時仔就定定咧咒讖 hia-ê 申請「由在人死啊」 ê 人，講 in 足好膽咧恰神做對頭，欲僭權決定家己 ê 生死，閣講伊若擔著 hit 款人，定著對頭就罵，有力盡拚欲阻擋 in 去做 tsit 號戇代誌。

「毋過 tsit 擺是阮老爸 neh……Pahalimux kám 心肝 tsiah 雄，甘願阮老爸去死……」

Maryang 愈想愈煩惱，雖罔委員會都毋是干焦 Pahalimux 一个人，毋過 tsit 站仔法務部相連繼簽幾若張執行令，tse 替刑者自按呢拍死幾若个，干干仔 tsit 个替刑者 ê 初審愈來愈嚴，頭一關就拍出風鼓尾 --ê 足濟，初審那嚴，欲來申請 ê 人煞愈少，實在講，若真正活了艱苦、活了起 siān--ê，規氣就家己 khan-jió--ah，若獨獨為著欲較好死，來咧送件審查，是加拖磨 --ê，致使替刑者 ê 數額煞補無啥會赴，目今 kā 看，thang 替 in 老爸上刑場 --ê，煞干焦 tsit 个查某因仔爾爾，也就是講，tsit 个委員會審查絕對袂用得有任何 ê 意外，無 -- 者……

啊 tsit 个 Pahalimux，尾 --á 閣有影發現無人勸伊會行……

Hit 工和 Pahalimux 冤一个半小死了，Maryang 規暗無眠，早起隨欲去揣人鬥相共，若欲 tshiâu tsit 款代誌，民意代表是咱百姓人想會到 ê 頭一个選擇，啊問題是……雄雄欲揣民意代表，咱都無咧人面闊，ah 知欲揣 tsiâ！Maryang 想會著 --ê，就干焦 hit 个 Hana 爾爾。

自按呢伊直接從去立法院 Hana ê 辦公室。

照理講 -- 起 - 來，親像 tsit 款 tsiah-nī 菁仔穰 ê 做法，是見袂著立法委員 --ê，Maryang 家己嘛知知 --leh，伊去甲 hia，看著一个查某助理，講伊欲揣立委本人，隨 hōng 鬧 -- 落 - 來。

「咱佗位欲揣 hannh ？」助理問 -- 伊。

「我……我是伊 ê 選民 -- 啦，就……hit 个《特別條例》 --ah……我建議 --ê，有 -- 無？你 kám 知影 tsit 件代誌？」

好運 tsit 个助理，就是當原初接著伊電話 ê hit 个助理。

「你？！……有影是你？！哈哈！Tsiah 濟冬 --ah，無想著講會見著你本人！」助理 tann 態度攏無仝 --ah，「立委伊本底有一个面會 -- 啦，就對方臨時取消，來，我 tshuā 你 -- 入 - 來，我想，立委應該嘛會想欲恰你熟似 -- 一 - 下才著。」

結果 --leh，Hana 聽著 Maryang 問講 kám 有法度換審查委員會 ê 委員，就是 Hana 有想欲還伊人情，嘛無 hit 个才調。

「Tse 是當初時為著保障人權，避免介入審查程序，特別設計予嚴 gâi--ê，所以講若是委員無條例內底列 ê hia-ê 因素，是無法度 kā 換 -- 落 - 來 -ê。」Hana 按呢解說。

「問題是阮老爸 ê 執行令簽 -- 落 - 來 -ah，tsit 擺審查，就會決定是 tsit 个水龜來 that 涵孔，抑是阮老爸 khít hōng 銃殺 --ah neh！」Maryang 足毋甘願。

「Aih……毋是我無欲鬥相仝，是我有心鬥，做袂到 li……是講……」Hana 話頭無張無持楚對別位去，「你 hit 當陣會當想出 tsiah 奇巧 ê 做法，實在 gâu neh……啊你這馬咧讀研究所毋，出業了後 kám 欲來我 tsia 做助理？」

「你這馬講 tse 都無效！」Maryang 氣 phut-phut 對立委辦公室走 -- 出 - 去。

【五】

Maryang 家己一个人咧 tsheh 氣 hit 工，我送伊去坐車了後，就去揣阮阿母，到位已經欲暗仔 --ah。開門入 -- 去了後，(阮阿母一个人蹣，伊鎖匙有拍一副予 -- 我，講我隨時會當過。) 看著阿母坐佇火禁甲暗眠摸 sa-niau ê 客廳，規个厝內恬 tsih-tsih，干焦聽著「tshngh tshngh tshngh……」ê 聲，拄開始我閣掠做是伊感冒咧 tshngh 鼻，等我 kā 火 piak toh，才看著阿母目箍紅 kòng-kòng。

Tsit 種感覺實在足奇怪，tshím 才佇學校安搭家己暗戀 ê 查某因仔，tsit 陣，煞發現家己 ê 老母 uan-nā 咧艱苦心。

我 kā 拄才做 -- 過 -ê 閣重搬 -- 一 - 擺，行去 tsheh 氣 ê 人身軀邊，輕輕仔坐落，了後，tui 搯仔內底搵紙巾仔 -- 出 - 來，提予 -- 伊。

阿母佻 Maryang 全款，無話無句。我知啦，查某人，嘛是有少女心，我就無句無話陪伊坐佇 hia。

等阿母入去房間歇暈，我才出去包兩粒便當轉 -- 來，是講，一直甲我食飽，電視看了，行去阿母 ê 房間門口講：「Mah，我 kā 你 ê 便當先 hē 入去冰櫥，你才閣家己 thng 喔！」伊嘛無應 -- 我。

半暝，我嘛毋知是幾點 ê 代誌，我夢見 Maryang 走來揣 -- 我，kā 我講，伊想通 -- ah，「Pahalimux 根本無愛 -- 我，你，才是真正疼我入心 ê 人，咱做伙好 -- 無？」Maryang 講 ê 時，就佻伊 hit 工坐佇椅條仔全款頭犁犁，毋過 tsit 擺無全，伊膨膨 ê 喙賴紅甲親像麵龜，閣有，我用手 kā 伊下頰 thuh 懸 ê 時，看見伊喙角 ngiauh-- 起 - 來，笑甲袂輸一蕊滿開 (buán khai) ê 遊蝶花，看伊目睷沓沓仔瞋 -- 落 - 來，喙仔小可翹翹，啊……閣較恹閻 (khong-am) 嘛知影按怎做 --ah……

無按算我喙唇都未曾 tsam-- 著 - 咧，煞雄雄感覺地動足厲害，我驚 -- 一 - 下 phîn-phîn-- 倒。

「囡 -- 啊！你是咧按怎！你有按怎 -- 無！」

目睷接接 -- 咧，相 (siòng) 足久，才知家己佇阮母 --á hia，就佇伊 kā 我留 ê 暈間 -- 裡，啊邊 --á，毋是我痴迷 ê 少女，是 hit 个有少女心 ê 查某人。

「Mah！你害人掣一趲足大趲！」我目睷那接，「人睷甲真落眠--ah，你是咧 kā 人搖按怎--啦！」

「無--啊……就驚你躡被，來 kā 你巡--一-下，結果……看著你喙仔翹 tu-tu，予我驚一下！想講 kám 會是 kiuh 筋 ah 按怎……」阮母--á 看我目頭結結無啥愛應，閣講--lueh：「你知--ê 啊，中風 ê 人面會歪一并，恁少年人攏食足油，閣無啥咧運動……」

「Mah！你嘛 hâu--ah！你是咧講啥--lah！我攏幾歲--ah，閣著予你 kā 我蓋被！」我目睷對直看阮阿母，煞看著伊頭垂--落-去，才想著伊下晡佇客廳咧哭。

「Mah，你有代誌欲 kā 我講--sìm？」

「Aih……是--啦，實在足歹開喙，想規下晡，想規暗，總算是想了有 tháu。」阿母咧講 ê 時，目睷毋敢看--我。

「阿囡，本底 honnh，阿母是想欲等天光才 kā 你講，毋過……都想好勢--ah，腹肚開始枵，就出去 th̄ng hit 粒便當，啊食飽了後，倒踎眠床，煞 tuh-tuh 顛倒歹睷，毋才規氣來你 ê 房間，做一睷 kā 話講講--咧。」

我無 kā 阿母 phah-tsām，等伊家已講--落-去。

【六】

Pahalimux 踏足硬，毋過伊煞嘛是獨獨一个，會當予 Maryang 知影審查會內部消息 ê 來源。

委員會幾若擺開會辯論，討論甲足激膠，tsit 擺 ê 水龜，是一个 26 歲 ê 姿娘仔，伊因為長期嚴重 ê 憂鬱症，希望會當趕緊結束家已 ê 性命。

若 tsit 擺揀--著有一半 ê 委員，支持咱人有性命 ê 自主權，in 根據醫學鑑定，認為 tsit 个查某因仔確實病甲真傷重，若欲一世人食藥仔咧受拖磨，規氣尊重伊 ê 意願；總--是另外一半 ê 委員，堅持講醫學進步真緊，檢采無佸久就會有憂鬱症 ê 新藥，時到，tsit 个姿娘仔就有另外 ê 出路，啊 tsit 个 Pahalimux Maryang ê 槌仔，拄好變做關鍵票，伊若投反對，就會審查無過，結果就是 Maryang in 老爸愛去承銃子，若伊投贊成，按呢拖身命 ê 姿娘仔就會當足心願。

予 Maryang 氣身惱命 --ê，是 Pahalimux 干干仔欲頓反對票，閣，伊 ê 理由毋是醫學會進步 iah 袂，是因為伊 ê 宗教信仰。In 教會 ê 教示講：「自殺就是毋著！因為人 ê 性命是神賞賜 --ê，tsit 个性命 ê 所有權屬佇神，人袂使家己主張 -- 得。」

因為煩惱 Maryang，我捌走去 in 兜探 -- 伊，拄好 Pahalimux 嘛佇遐，自按呢親目調看見 in 冤家。

「Pahalimux！你 kám 毋知阮老爸是 hǒng 冤枉 --ê！」Maryang 三番五次 kā 伊講。

「我……我相信啊……阿伯我嘛毋是無熟似，伊毋是心肝 hiah 雄 ê 人。」Pahalimux 並毋是毋知賊頭刑 Maryang in 老爸 ê 故事。

「按呢！你 thah 會無愛救阮老爸！」

「我當然想欲救 -- 伊！」

「我聽你咧放屁！你聲聲句句講欲救阮老爸，毋過，佇委員會，你煞一直反對予 hit 隻水龜替死！」

「Maryang！你較理性 --leh 好 -- 無，一事還一事啊！我是反對 hit 个小姐按呢放揀家己 ê 性命，自殺是絕對毋 thang--ê！」

「你管待伊去死！人伊都已經家己欲死！你煞咧替伊躊躇！伊病甲 hiah 嚴重，活 -- 咧是加艱苦 --ê，你放伊去，伊嘛較快活！」

「Tse 就毋是伊快活無快活 ê 問題 li……！伊 ê 性命是神賞賜予 -- 伊 -ê，伊無資格、咱嘛無資格咧替神發落 (huat-loh) 伊是生 iah 是死！」

「你 tsit 个 bân 柴頭！啥物咧神、神、神！你是神經線相袂 --sím！一个欲死 thang 解脫 ê 人，你欲愛伊拖磨！閣一个是受枉屈欲 hǒng 銃殺 ê 人，你煞愛伊去死！」

「Maryang！我拜託--你！Tse 是原則 ê 問題，tse 是我 ê 信仰！我絕對袂使退讓--得！我若是去支持 hit 个無辜 ê 人自殺，等我去見神 ê 面 ê 時，是欲按怎交代？我若無趁神 ê 命令，是會 hōng hiat 入去地獄--ê！你 kám 無法度了解？啊若欲救阿伯，著愛另外想辦法，毋是去行 tsit 號歪門 tshuah 路！」Pahalimux 講甲遮，雄雄變足細聲：「閣再講，伊若真正無做歹，神會替伊報冤，人都毋是干焦 tsit 世人爾爾……」

「你 tsit 个糞埤！開喙合喙就是神神神……你連人就無要意，干焦致意 hit 箍無影跡 ê 神！以早我看你信教，想講你是照繩行路，心行真好 ê 人，tann 我看出出--ah！你根本是一个無心肝 ê 糞埤！害死阮老爸 ê 糞埤！」Maryang 那講，拳頭母直直 tsing 對 Pahalimux ê 身軀。

「Tse 是我 ê 信仰--啊！我 ê 良心--啊！」Pahalimux 倚佇 hia 據在伊 tsing，毋過就是毋 kué-pinn。

毋才 Maryang 隔轉工會走去想欲拜託 Hana。

自知影 Maryang 艱苦 ê 因端了後，我嘛綴伊咧感 Pahalimux，老實講，我是袂 khat 根 in 緊 tshé！我講愛 in 緊 tshé，當然有考慮著講凡勢 Maryang 會佻我行也無的確……總--是，恁 kám 無感覺 Pahalimux 無字無譜？親像 tsit 款人，根本無資格閣佻 Maryang 做伙！

Hit 陣，我真確定，獨獨家已欲死 ê 人，別人才有資格考慮伊 ê 生死，若有法度，我嘛欲出力救 Maryang in 老爸，甚且，按呢嘛順繼予 hit 个水龜會當得著解脫。

毋過自 hit 个半暝聽阮老母講煞，我就變甲真躊躇--ah。

【七】

「替刑者審查委員會」欲開會表決 ê 前兩工，我總算約著 Pahalimux--ah，tse 進前阮並無真正熟似，是拜託 Maryang 去 kā 講--ê。我去揣 Maryang 欲約 Pahalimux ê 時，Maryang 閣無愛--咧，in 兩個已經冤甲 sí-ngóo-khiat--ah，愛伊敲電話予--伊，袂輸欲捏伊 ê 命--咧，是我 kā Maryang 講，我欲鬥苦勸 Pahalimux，thang 救 in 老爸莫 hōng 銃殺，Maryang 才勉強去約 Pahalimux 佻我見面--ê。

「你約我啥物代誌？」Hit 暗阮一下見面，就看見 Pahalimux 面仔清清，「若是欲來講審查會表決 ê 代誌，愛我頓贊成，按呢就免講--ah！」

「你莫 tsiah-nī-á 緊張 -- 啦！」我當然知影 hit 件是拈袂行 --ê，「我揣 -- 你，是因為 hit 工仔 Maryang 阮同學遐，聽著你講神 ê 代誌，我足有興趣，想欲加聽 -- 寡，毋才會拜託 Maryang kā 我鬥約！」

「Oó！？有影？」Pahalimux 聽著 tse，目睷隨光 -- 起 - 來。

「Hennh 啊！Tsit 間咖啡廳 ê 咖啡袂歹淋，今仔日我請 -- 你，欲愛幾甌由在 -- 你，就是拜託你 kā 我講神 ê 代誌，檢采我嘛會用得和你全款做神 ê 困兒。」

就是按呢，Pahalimux ê 話門予我開 -- 開，對創世講甲人有靈魂，對靈魂講甲人過身了後 ê 審判，對審判講甲人有罪，對人有罪講甲神欲救世……我從早就捌加減聽 in 信教 ê 人講 tsia-ê 道理，毋過 tsit 擺算聽了上詳細，過程中，我或是頓頭，或是繼伊 ê 話尾，或是目睷刁工 thián 大蕊表示意外恰好玄，或是插 (tshap) 一兩個仔問題，就按呢，Pahalimux 愈講愈興，愈講愈無法度收煞，講甲人店欲歇睏，鐵門掙一半 -- 落 - 來，都猶未夠氣，嘛只好離開。

「Pahalimux，今仔日聽你講了，我真正加足了解，以早我對 tse 是啥物都毋捌，tann，我愈聽愈感覺 tsia-ê 道理誠有理氣，我足愛聽，你 kám 會用得明仔載閣 kā 我講 -- 寡，凡勢欲來 ê 禮拜，我就綴你去聚會，看欲按怎入教……」

阮阿母講了無毋著，tsit 步確實是一必一中 --ê，Pahalimux 本底講甲喉焦喙渴，人較無精彩 --ah，一下聽我按呢講爾爾，目睷隨閣光 -- 起 - 來，甚且 tsit 擺，比拄見面 hit 擺閣較光。

「Kám 按呢！He 當然好啊！」伊雄雄 ná 親像想著啥，「毋過……明仔下晡我愛去審查會開會，欲頓票 --ah neh，毋知 kám 有時間……」

「我知我知，」我隨 kā 話接繼 -- 落 - 去，「愛去阻止 hit 个毋捌代誌 ê 姿娘仔，袂使“由在人死啊”，tse 嘛是咧服侍神，做神 ê 事工。」

我看伊 tùn-tenn，就閣講：「你放心，咱約做伙食中晝，食飽，你隨去開會，tsiah-nī 要緊 ê 代誌，我袂 kā 你耽誤 -- 著，做你放心。」

就是按呢，照阮阿母 hit 暗恰我參詳好勢 ê 計智，一切攏進行甲真順序。

閣來，照計劃，阮著愛佇中晝見面，我佻伊約佇咧福華飯店樓跔 ê 餐廳，食飯 ê 時，仝款著興 tshih-tshih 佻伊講 tse 神 ê 道理，佇伊講甲喙角全波，無張持 ê 時，咱才 kā 鬥斟寡啉 --ê，順繼暗靜仔下一粒 FM2-- 落-去，了後捧甌仔 kā 敬，khan-pái kā 說多謝，多謝伊 tsiah-nī-á 撥工。

Pahalimux 講 ah 講，涼 --ê 那啉，啉 ah 啉，神 ê 道理閣搬出來拆明，無張持，伊愈來愈 siān，頭閣不止仔楞 (gông)，楞甲尾 --á 是天地顛倒楚、烏雲失暗，自按呢規個人仆對桌頂，昏昏死死 -- 去。

咱且免著驚，行去飯店櫃臺，比對食飯桌仔 hia，講咱佻一个客戶約跔 tsia 做伙食飯，thài 會知伊煞啉一下燒酒醉，tse 客戶毋好得失 -- 著，咱按算開一間房間予伊小歇睏 -- 一 - 下，了後，就 kā 插起 lih 樓頂，據在伊去睏幾若點鐘，按呢審查會伊自然就欠席，啊若減伊 tsit 票反對票，hit 个死犯就有人替死 --ah。

到 tsia 來，阮阿母 ê 計智就成功 --ah，啊 Maryang 伊定著會歡喜甲袂顧 -- 得，暢甲跳 làng-suh。

毋過，我煞無按呢做……

佻 Pahalimux 佇咖啡廳見面 ê 隔轉工，我 kā 放粉鳥，結局是伊等無人。

是按怎？恁定著愛問，我人 --leh？

我欲去赴和 Pahalimux 食晝 ê 前一暗，心內挈斃斃，去 Sé-bīn--ê 買幾若支角瓶 --ê，直直灌，心內那躊躇：欲去、毋去、毋去、欲去……想進想退，閣想來去倒，想甲落尾手，逐支角瓶都焦 --ah，啊我煞猶原掠袂定，掠袂定 ê 中間，顛倒是先醉甲毋知人 -- 去，等我閣精神，已經隔轉工過晝 --ah。

我精神了後，想著 Pahalimux 已經家已食飽走去開會，kā in ê 神頓反對票 --ah，閣想著閣來天未曾光，hit 个死犯就欲 hǒng 拖去 thài 人晡食伊上尾 ê 一頓飯，注射了後，倒跔塗跔 hǒng 考銃靶，想著 tsia-ê 代誌，我無張無持 phih-phih-tshuah，規身軀拚清汗……

【八】

「你 kám 猶會記得我佻恁阿爸離緣 ê 代誌……」Hit 个半暝，阮母 --á 問 -- 我。

我 tìm 頭。

「你 kám 知影阮兩個是按怎會離婚？」

我愧頭。

「Aih……」阿母目頭結倚 -- 來。

我看伊艱苦，就開喙欲 kâ 安搭。「阿母……我知 -- 啦，一定是阿爸對不起 -- 你，欲去佻 hit 个查某做伙，毋過，代誌過都過 --ah……」我看伊無應，只好閣 kâ 話接 -- 落 - 去，「阿母……你莫閣艱苦 --ah 啦，我家已是查埔 --ê，我代替阿爸 kâ 你會失禮 -- 啦，我承認……阮查埔 --ê honnh，對查某因仔……攏加加減減……有淡薄仔……三日新 -- 啦，是阮較不應該……aih……啊代誌也都過 hiah 久 --ah，阿爸嘛和 hit 个查某做伙 hiah 濟冬 --ah，你就心情放予開，莫閣為 tse 操煩 --ah……」

攏想袂到阿母會按呢應：「Hit 个阿姨毋是恁阿爸佇外口鬥 --ê，in 做伙是後 -- 來 ê 代誌……恁阿爸無對不起 -- 我，是……是我對不起恁阿爸……」

「……是 -- 喔……」我聽著阿母按呢講，一時間毋知按怎接，伊話擋恬了後，hit 个恬靜，予人礙虐甲無比止，比 Line 「有讀無回」閣較糟躉 -- 人。

「Mah……全款啊，代誌也都過 hiah 久 --ah，閣想嘛無路用……我無怪 -- 你啦，我相信，阿爸嘛原諒 -- 你 -ah……」

結果，阿母伊煞閣開始 tsheh 氣。

就是 tsit 暗和阮母 --á 講煞了後，Maryang in 老爸 ê 代誌，我無法度閣倚懸山看馬仔相踢，無法度干焦倚懸山等 Pahalimux 去頓反對票 --ah……

「因 -- 啊，你 kám 知你 ê 親生老爸咧欲 hǒng 銃殺 --ah？」

我曷知 hit 當陣，阮母 --á 伊話柄會惹著 tsiah 緊……我真正毋知欲按怎回 -- 伊，「親生老爸？啥物親生老爸？Kám 講阮阿爸無生 -- 我？」我心內直直問我家己，時間咧過，我想欲問，閣毋敢問，規氣出 tsit 句：

「Thài-thó 會按呢生？」

「恁老爸伊是冤枉 --ê ！！！」阮阿母雄雄喝出聲。

我天我地 -- 喔！當時仔 hit 个死犯是阮親生老爸 -- 喔！我咧你咧……

到 tsia 來，足濟從到 tann 我想袂曉 ê 代誌，一目 nih 總啟 --ah。

莫怪阮阿爸看 -- 我 ê 時，有時仔會有 hit 款奇怪 ê 眼神，閣有時仔 ná 像冷冷清清，講 -- 起 - 來，伊是為著顧全阮老母 ê 名聲，甘願擔 tsit 个罪名，無愛予代誌出破，全款爭取我 ê 監護權，全款飼我甲大漢。

啊 hit 个老爸 -- 咧，伊 tsit 二十幾冬來，kám 捌相借問 -- 過？

上可惡 --ê 是……我無法度接受伊是阮老爸！伊若是，按呢 Maryang 毋就是我全爸各母 ê 小妹？

In 娘 -- 咧！

結果，阮母 --á 煞叫我愛去 kā Pahalimux 舞予倒，thang 予 hit 个我無熟似 ê 姿娘仔，會當替我 hit 个糞埗老爸去死！！！！

【九】

心內酸 bui 仔酸 bui，看 Maryang 佢 in 男朋友攬牢 -- 咧，看 -- 起 - 來兩個人閣好唯是 --ah，啊我註定家己病相思。

心內甘甜仔甘甜，這 Maryang 是我意愛的查某因仔，講 -- 起 - 來，嘛是阮小妹，看著伊佢 in 鎚仔萬事卸落大海，規面趟甲攏是幸福的目屎，我 kám 無應該嘛感覺幸福 -- 咧？

我家已一个，坐佇學寮 ê 房間內底，想著拉才 Pahalimux 走來學校揣 Maryang 講和，兩個人愛甲糖甘蜜甜，啊我 --leh，我啥物都毋是……連阮老母我都毋敢去揣 --ah。

就是 Pahalimux 伊 hit 工予我放鳥了後，並無去開會，伊知影伊無才調頓贊成票，毋過，伊上無有欠席 ê 選擇，伊總是無想欲失去 Maryang-- 啊。

審查會 ê 結果，是贊成佻反對平過，無輸贏，根據法律規定，tse 關係生死 ê 大代誌，表決拍平嘛無咧拈鬪決定 --ê，著愛自頭閣重選委員，重新組一个審查委員會，kā 仝款 ê 程序閣行 -- 一 - 遍，thang 好主意。

「Khok khok khok……」

有人咧拈門，我去將門開 -- 開，看著阮老母，規个人 tsuann 愣 (gāng)-- 去。

按算老母會重重拍 -- 我、歹聲譽 -- 我，責罪我 tsit 个險險害死家己親生老爸 ê 不孝困；我心內滾絞，見笑、驚惶，跂一下軟，蠅 --lueh 跪踎塗跂，雙手 mooh 頭，目屎袂咬根一直流。

結果阿母伊攏無講話，伊恬恬跔 -- 落 - 來，kā 我攬 -- 咧，攬甲 tiau-tiâu，用手蹄輕力仔搭我哭甲咧挽掣 ê 尻脊骹。

「阿困，無哭……阿母惜……」

伊 kā 我牽 -- 起 - 來，做伙入來房間，予我坐定了後，將便當囷佇我 ê 桌仔頂。

「你猶未食暗 honnh？」

「阿母……失禮……我……我無法度原諒 hit 个人……閣較無法度予 hit 个查某囷仔去替伊死……」

「都毋免閣講 he 矣……」

「阿母，毋過……我……」

「Aih，阿母原諒 -- 你，毋免理由，毋免你 iah tsiâ 來欲補償……不管你按怎決定，嘛不管你按怎做，你攏是阮囷，就是按呢！」

「Khok khok khok……」閣有人咧拚門，阮阿母行去開門。

「晚安！阮是基督徒！耶穌愛 -- 你！你 kám 知耶穌為咱釘死佇十字架？因為伊替咱死，自按呢上帝就赦免咱 ê 辜負，」外口有兩個學生倚佇門喙，講甲歡頭喜面，喙角全波，「阮想欲佻你分享 tsit 个罪得著赦免 ê 好消息！……」



作者感言

劉承賢 博士班學生

Literature is the reflection of souls. Mother tongue is the root of culture.

Bûn-hàk sī lîng-hûn ê kong-kíng, bó-gí sī bûn-huà ê té-tì.